

**ZAVOD ZDRAVSTVENOG OSIGURANJA  
KANTONA SARAJEVO  
UPRAVNI ODBOR**

Na osnovu člana 17. Statuta Zavoda zdravstvenog osiguranja Kantona Sarajevo (Sl. novine Kantona Sarajevo br. 4/00, 18/02, 30/08, 1/12 i 15/13), tačke X stav 1. 13. i 14. Udluke o utvrđavanju osnovnog paketa zdravstvenih prava, a na prijedlog Direktora Zavoda zdravstvenog osiguranja Kantona Sarajevo (u daljem tekstu Zavod) Upravni odbor Zavoda zdravstvenog osiguranja Kantona Sarajevo, na 2. sjednici održanoj 26.09.2016. godine donosi

**ODLUKU**

*o refundaciji troškova za pruženu uslugu medicinski potpomognute oplodnje*

**I**

*Ovom odlukom o visini refundacije troškova za pruženu uslugu medicinski potpomognute oplodnje regulišu se uslovi i kriteriji za ostvarivanje prava za refundaciju troškova za pruženu uslugu medicinski potpomognute oplodnje.*

**II**

*Zavod zdravstvenog osiguranja Kantona Sarajevo će refundirati sredstva medicinski potpomognute oplodnje, maksimalno dva pokušaja za jedan bračni par i to u iznosu do 4.000,00 KM za prvi pokušaj i do 2.000,00 KM za drugi pokušaj.*

*Finansiranje programa medicinski potpomognute oplodnje, obezbijedit će se Finansijskim planom Zavoda, kao i Rebalansom Finansijskog plana za tekuću godinu.*

**III**

*Uslovi predviđeni za uključivanje u program medicinski potpomognute oplodnje u svrhu dobijanja pozitivnog konzilijarnog mišljenja, su sljedeći:*

- ❖ Žene koje se liječe od neplodnosti;*
- ❖ Žene koje nisu rađale;*
- ❖ Žene do napunjenih 37. godina života;*
- ❖ Utvrđene dijagnoze, stanja i sve potrebne medicinske pretrage.*

*Sve neophodne dijagnostičke i druge zdravstvene usluge u postupku liječenja i dokazivanja neplodnosti, osigurana lica su dužna obaviti u UKC Sarajevo ili u drugim ugovornim zdravstvenim ustanovama na području Kantona Sarajevo, na teret sredstava obaveznog zdravstvenog osiguranja.*


*Ukoliko osigurano lice neophodne dijagnostičke i druge zdravstvene usluge, u postupku liječenja i dokazivanja neplodnosti, obavi u nekoj drugoj zdravstvenoj ustanovi, Zavod neće učestvovati u troškovima istih, ako su se iste mogle obaviti u UKC Sarajevo ili u drugim ugovornim zdravstvenim ustanovama na području Kantona Sarajevo.*

*U cilju izdavanja pozitivnog konzilijarnog mišljenja UKC Sarajevo, zadržava pravo provjere validnosti priložene medicinske dokumentacije, kao i ponovne analize.*

**IV**

*Osigurana lica koja podnesu zahtjev Zavodu za refundaciju troškova za pruženu uslugu medicinski potpomognute oplodnje, neophodno je da prilože sljedeću dokumentaciju:*

- 1. Pisani zahtjev;*
- 2. Mišljenje ordinirajućeg ljekara (ljekara specijaliste ginekologa ili ljekara specijaliste urologa);*

- 
3. Originalnu plaćenu fakturu o izvršenoj i pruženoj usluzi medicinski potpomognute oplodnje na ime podnosioca zahtjeva;
  4. Pozitivno konzilijarno mišljenje nadležne klinike sa UKC Sarajevo (Klinika za ginekologiju i akušerstvo i Klinike za urologiju);
  5. Uvjerenje kojim podnosilac zahtjeva dokazuje da nema duga po osnovu javnih prihoda;
  6. Potvrda da je podnosilac zahtjeva, kojem će biti pružena usluga medicinski potpomognute oplodnje u kontinuitetu zdravstveno osiguran na području Kantona Sarajevo najmanje pet (5). godina;
  7. Izvod iz matične knjige vjenčanih;
  8. Fotokopija zdravstvene legitimacije podnosioca zahtjeva;
  9. CIPS-ova prijavnica o mjestu prebivališta podnosioca zahtjeva.

V

Refundacija troškova za uslugu medicinski potpomognute oplodnje, vršit će se po redosljedu primljenih zahtjeva putem protokola Zavoda, do utroška planiranih sredstava predviđenih u Finansijskom planu za tekuću godinu.

Po utrošku sredstava predviđenih u Finansijskom planu, refundacija istih će se planirati i u Finansijskom planu za narednu godinu.

VI

Zavod zadržava pravo provjere rezultata obavljene medicinske procedure.

VII

Ova Odluka stupa na snagu danom donošenja, a isključivo pravo utvrđeno u tački II ove Odluke, mogu ostvariti bračni parovi koji su postupak potpomognute oplodnje započeli od 26.09.2016. godine.

Broj: UO/06 – 10 – E.LJ. – 26295/16  
Sarajevo, 26.09.2016. godine.



Predsjednik Upravnog odbora  
*Hamid Milak, dipl.oec.*

Dostaviti:

- Direktor
- Interna revizija
- Sektor za ekonomiku i finansiranje
- Sektor pravnih poslova
- Služba pravnih poslova
- Služba za javne nabavke
- a/a UO